



PARTANGIANGAN WIJK



PANGARADEON (U; Uluan R:Ruas)

I. MARENDE BE No. 811 BL.No. 811 "Di Au Ma Ho Tuhan"

*1. Di au ma Ho Tuhan di ariaringki
Ai denggani ni basaM padame rohangki
Di sude partingkian, Di sude inganan
Di au ma Ho O Tuhan, Asi rohaM*

*2. Di au ma Ho Tuhan di pangunjunan i
Monang do au Tuhan molo Ho donganki
Di sude partingkian, Di sude inganan
Di au ma Ho O Tuhan, Asi rohaM*

II. VOTUM -INTROITUS - TANGIANG (A.X.B.5 - D.VIII.29)

III. Manjaha Hata Ni Debata, Matius 7 : 1 - 11

**U : Ta jahama Hata ni Debata na tarsurat di
(Matius 7 : 1 - 11) tajahama dibagasan responsoria:
Unang hamu manguhumuhumi, asa unang hona uhum
hamu,**



R : ai panguhumonmuna i do siuhumhononhon tu hamu, parsuhatonmuna i do sisuhathononhon tu hamu.

U : Aha ma pola paberengberengonmu silbaksilbak na di mata ni donganmu; ia na satiang na di matami ndang diantoi ho!

R : Tung patut ma dohononmu tu donganmi: Ua, huumpat ma jolo silbaksilbak i sian matami! Hape na satiang do di matami!

U : E ho pangansi, jumolo ma umpat tiang i sian matami; dung pe i, asa pingkiranmu, manang beha pangumpatmu di silbaksilbak na di mata ni donganmi.

R : Unang lehon hamu arta na badia i tu angka jurangga, jala unang ma danggurhon hamu mutihamuna tu jolo ni angka babi, so tung dilotloti i dohot patna, laos humusor manaroso hamu!

U : Pangido hamu ma, sai na lehononna do tu hamu; lului hamu ma, sai na jumpangan do hamu; tuktuhi hamu ma, sai na ungkaponna do di hamu!

R : Ai sai na manjalo do nasa na mangido, sai na jumpangan do na mangalului; sai na ungkapon do di na manuktuhi!

U : Ai ise sian hamu jolma, na mangalehon batu tu anakna, molo indahan dipangido?

R : Manang na olo mangalehon ulok, molo dengke dipangido?

U+R : Gari hamu angka parjahat umboto mangalehon basabasa na denggan tu anakkonmuna, lam Amamuna na di banua ginjang i ma so lehononna arta na denggan di na mangido tu lbana?

U : I do sahat na. Martua do angka natumangihon hata ni Debata jala naumpeopsa

R : Amen.

IV. MARENDE BE.No. 813 BL.No.813 "Pangido Hamu Ma"

*1. Pangido hamu ma, sai na lehononNa do tu hamu
Lului hamu ma, sai na jumpangan do hamu
Sai tuktuhi hamu ma, sai na untkaponNa do di hamu
Angka pangidoanmuna disarihon Debatamu*

*2. Ula ma jumolo pangidoan nang pangondian i
Unang ma mansadi martangiang ho tu Tuhan i
Ai margogo situtu do, tangiang ni angka partigor i
Molo sai dihaburjuhon partangiangonna i*



V. JAMITA (PSALMEN 28 : 1 - 2)

VI. MARENDE BE.No. 30 BL.No.135 "Jesus Lehon Hatorangan"

*2. Ganup ari ma ajari hami na di haotoon i dope
Asa lam porsea hami Ho sambing do hangoluannami i
Lam lumeleng lam pasolhot tu rohaM ma rohanami
Hombar tu HataM ma pangalahonami*

*4. Sai tangihon ale Tuhan Molo martangiang hami be tu Ho
Pasupasu marlobian LehononMu tu na ro manopot Ho
Sai dongani nama hami Asa hot di parpadanan
Mian hami sahat ro tu hasonangan*

VII. TANGIANG PANGONDIANON

VIII. Marende BE.No. 815 BL.No. 815 "Uli Do Tingki Na Hohom"

*3. Uli do tingki na hohom, pasahat pangidoanki
Tu Debata na bonar i, Sitangihon tangiang i
Di na huida bohiMi porsea au di hataMi
Tompas holso ni rohangki, di tingki martangiang i*

IX. TANGIANG, SIAN PARJABU

X. BE.No. 487 BL.No. 329 "Tung Halak Na Margogo" (Papungu Pelean)

*1. Tung halak na margogo si partangiang i
Dokdok pe sitaonon, ndang olo talu i
Pos situtu rohana di Debatana i
Tuhanna manaluhon sude pangalo i*

*2. Nang hirahira mogap dibaen sitaonon i
Marsinggang do ibana managam Tuhan i
Dung jumpang pe tingkina sumurut arsak i
Tarapul ma rohana dibaen Tuhanna i*

*3. Imbaru panghirimon nang hagogoon i
Margogo, marsahala do partangiang i
Togu muse langkana lao marjamita i
Ai Kristus do donganna di ulaonna i*

XI. Tangiang Ale Amanami - Pasupasu



ACARA PARTANGIANGAN WIJK :

Di :

HKBP RESSORT KRAMAT JATI

Kamis,/ /2024

1	Marende Huria	:	BE. No. 811 : 1,2
2	Votum / Introitus	:	A.X.B.5 - D.VIII.29
3	Manjaha Hata ni Debata	:	Matus 7 : 1 - 11
4	Marende Huria	:	BE. No. 813: 1, 2
5	Jamita	:	Psalmen 28 : 1 - 2
6	Marende Huria	:	BE. No.30 : 2, 4
7	Tangiang Pangondianon	:	Sian na ro
8	Marende Huria	:	BE. No. 815 : 3
9	Tangiang	:	Sian Parjabu
10	Marende Huria	:	BE. No.487 : 1-3 (<i>Pelean</i>)
11	Tangiang <i>Ale Amanami, Pasupasu</i>		

Partangiangan Na naeng ro, Ari Kamis, Mei 2024

Maringanan di

Torop ni ruas na mandohoti partangiangan, Kamis,/04/ 2024

Ama : halak

Ina : halak

Naposo : halak

Dakdanak : halak

Parhalado : halak

Pungu : halak

Paragenda :

Parjamita :

Pelean : Rp.

